

مجموعہ ابوالضیا

ماسوا شاہہ سندن دلی تطہیرہ چالش
پرتو حکمت و عرفان ایلہ تنویرہ آتش

علوم و معارف دق بحث ایدرہ و ہر ماہ عرفی ابتدائہ اون ہشتادہ نشر اول نور فنون غرتہ سدرہ

نومرو ۱۲ [فی غرہ ربیع الاول سنہ ۱۲۹۸] نسخہ سی ۳ فروش

عزمندہ یز . آئی ایسہ ۱۶ صحیفہ اوزرینہ ترتیب ایلہ ہفتہ دہہ بر کرہ نشر
ایلیہ جکز؛ و بر عدد (غروش) مقابلندہ ویرہ جکز .

و بناء علیہ مجموعہ مزك بدائی عالی کورن یاران معرفتی اشبو اثر نوین
ایلہ بزده تجربہ ایلیہ جکز .

۱۴می ایسہ یوم انتشارنی ناطق و حال و شانہ موافق اولمق اوزرہ جمعہ
تسمیہ قلنہ جقدر .

جمعہ اسلام اپچون ہم پر یوم مقدسدر و ہمدہ بومئلاو رسالہ علم اولمغہ
سزا - جامع الکلم - بر لفظ انفسدر . ابوالضیا . توفیق ،

تیا ترو

..... فکر مجہ تیا ترو اساساً اولیہ معرفت و با اخلاق مکتبی دکل
عادتا برا کلنجہ در . حتی بر طاقم حزین حزین فاجعہ زدہ تیا ترو لی اکلنجہ -
لکدن چیقارہ مز .

بیلم کہ « خیر الماکرین » انسانی نہ غریب برا منجانہ او غراتمش ! اک زیادہ
صفا بخش اولمق لازم کلان شیر کو کلارہ اک بیوک حزین ابراٹ ایدیور ؛
کو کلارہ اک بیوک حزین ابراٹ ایدن شیردہ اک زیادہ صفا بخش اولیور !
بر کوزل غروب و یا طلوع کوز او کمنہ آلتسوندہ دوشونلسون ! بویلہ
بر تماشادن کوزلی اشک نأرلہ طولز و یا خود اشک نأرلہ طولی کوزلینی
بویلہ بر تماشادن چوریر بر « صاحب قلب » وارمیدر ؟

انسان دنیا دہ بر کوزل تماشاسی قدر نہ ایلہ اکلندہ یلیور ؟ دنیا دہ انسانہ
بر کوزل تماشاسی قدر حزین ابراٹ ایدہ جک نہ بولنور ؟

بر کوکل عشقک - ذاتندہ دکل حتی - حزیندہ بولدیغی لذتی بشقہ سندہ
بولہ یلیرمی ؟ عشقک - ذاتی دکل حتی - اقصی الغایاتی اولان وصال قدر
بر قلبی محزون ایدہ جک نہ واردر ؟

بینه تکرار ایدرم؛ تیارو اکلجه در؛ فقط فکر بشرک ایجاد ایتدیکی اکلجه درک جله سنه مرجع و جله سندن فائده لی در .

معلوم که جله سنه مرجع در دیدیکم بنم ذوقه متعلق برشیدر؛ او حالده طبیعتیه دعوامی اثبات ایدم؛ فقط اثبات ایله اوغراشمغه احتیاجده بوقدر؛ چونکه مادمازل (ساره) بی دکه مک ویا کورمک ایچون باشند آباغه کوز، قولاق کسایش بر آدمی بک اوغلی نیازولندن چیقاروبده کلی آغوبه کتیرمک ایچون دکلدر . هر کس ایستدیکی برده، ایستدیکی طرزده اکلنیر .

فقط « اکلجه درک جله سندن مفیددر . » دعواسنی طنجه اثبات ایده . بیلیرم . میدانه قویشمه نظراً اثبات احتیاجنده بولندیغم ایسه امور معلومه دندر .

— تیارو نه در؟

— عادتا تقلید .

— نه بی تقلید ایدیور؟

— احوال بشری !

شو درت عباره جک تیارونک اک فائده لی را اکلجه اولدیغنی میدانه چیقارمغه کافیدر ظن ایدرم .

اکلجه ده عبرت بخلکدن بیوک نه فائده تصور اولته بیلیر؟

اوت ! « ایشده اکلجه بولنور؛ فقط اکلجه ده ایش بولمز . » شورا- سیده وار که انسان هر ایش ایله اکلنه بیلیر؛ آنجق هر انسان ایش ایله اکلنه مز .

بناء علیه جمعیت بشره فائده لی اکلجه زده لازم کورینور .

تیارو ایسه جسم و جان بولش برخیال شاعرانه در . کویا که انسانی اندن طونار؛ کوکلرک خفا پرده لینی برر برر آچه رق؛ اک کبرنی کو- شله لینی کزدرر .

تماشا ابدنلر اخلاق بشری كافة معالی و دنیا نیله کوزلرینک اوکنده
 نجسم ایتش کوررلر . وجدانک اک قوتلی خسی واک مکمل مر ییسی اولان
 مفتونیت و تفرت در حال هیجان ایدر . بو هیجان ایسه قلبک اک رقتلی و بالک
 منشرح اولدیغی بر زمانه تصادف ایتدیکی چون طبیعتیله تأثیر ی زیاده اولور .
 آنک ایچوندر که اخلاقجه نیساترونک خدمتنی غزته لردن، کتابلردن زیاده
 صابارلر .

بنده بو اعتقاده مائلیم، چونکه تیاترول قدر غزته و یا کتاب اوکنده
 کوز یاشی دو کولدیکنی کورمدم .
 ریا کبی، خست کبی بر سینئنگ او یونجیلر قدر، حکیم و ادیب النده
 تریزینله احتمال تصور ایدم .
 حتی بر درجه فائده لیدر که اور و پاچه آثار مدینتک اک بیوک سائقارندن
 عد اولمشدر .

انگلتره نك قروموهول (۱) وقایعنه یاردم ایدن اسبابک اک بیو -
 کلرندن بریده شکسیر ک (۲) قیصر تراژه دیسیدر .

فرانسه ده پاپاسلرله، زادگاه مولیرک قوم دیلری بلیکه وولسترک قوه
 قلندن زیاده ضرر ایتشدر .

فرانسه انقلاب کیرنده خلقک کوستردیکی وطن و حریت مفتونیت
 فداکارانه سنک کولکلرده خصوصنه قورنیک آثار مر دانه سی قدر بلیکه هیچ
 برشی خدمت ایتاشدر .

کوتنه نك، شیلارک (۳) او یونلرندن آلمانیا نك اخلاقجه حاصل اولان
 تأثیراتی تعداد ایتک لازم کلسه بر بیوک جلد کتابه صیغشدر .

(۱) ۱۶۵۲ ده حامی جمهوریت عنوانیله انگلتره ده رأس اداره په کچمش ذاتدر .

(۲) شکسیر اسکایر لک تیاترو او یونیسسی اولدیغی حالده نظماً بر چوق تیاترولر یازمش برشاعر معظمیدر .

۱۵۶۸ دن ۱۶۱۶ په قدر معمر اولمشدر .

(۳) کوتنه آلمانیا نك اک مشهور برشاعریدر که ۱۷۴۹ دن ۱۸۳۲ په قدر برجات اولمش دو . شیلر آلمانلرک

تاریخنده، تیاتروده و نظم و نثرده اک بیوک بر آدمیدر . ۱۷۵۹ دن ۱۸۰۵ سنه سنه قدر معمر اولمشدر .

بز دهاشمی بر تیارو پیدا ایتدک؛ بالطبع دها شمدیدن مکمل اولمسنی
ایستیدمیر.

چونکه بر شیئک بدایتنده کمال بکلمه مک آنارک عالم چو جق طوغور مسنه
انتظار قبیلندن اولور؛ فقط نقصانک آز اولمسنی و هیچ اولمسه کتدیکجه
آزالمسنی استمیکده حقمن میدانده در؛ زیرا قصور اولور که عجمیلکله دخی
معذور طوتیله من. اعتقادمجه تلفظده اولان فنانق تیاروده موجود اولان
نقایصک اعظمی صایلیلر.

چونکه تیارونک اسانه خدمت منفعتی اسقاط ایتدکن بشقه بر درجه به
قدر مسخره لقدن قور تیله بیلک قابل اوله میه جغیچون انفعالات نفسانیسه به
بتون بتون مانعدر.

اویونلر اکثر اوروپا لسانلرندن ترجمه اولمق (*) بحثنه کلنجه :
بو بر قباحث ایسه مسئولیتی تیارویه دکل اصحاب قلمه عانددر. مع مافیه
تیارو ترجمه سنده اوقدر بیوک بر ضررده کوره میورم.

تیاروده انواع جنایاتک تقلیدی کور یلمور؛ فقط اصحاب تشریع بونده
سوء تأثیر مطالعه ایدوبده منعه قیام ایتماشلر. انسان سوء مثال آلمق
ایسترسه هر کون هر طرفی طولاشان سوء امثال کافیدر.

ادب سزلک یولنی ادبیات ایچنده آراغده کیمه محتاج اولمز ظن ایدرم.
ادبیاتک وطنی بوقدر؛ بر فکر اگر صحیح ایسه بر لسانده ایده جکی تأثیری
دیگر اسانده ده تمامیه اجرا ایدر. انگلتره، آلمانیا شاعرلرینک بوقدر آثاری
فرانسزجه به نقل اولمش؛ تیارو زده اویسایور. یالکز ترجمه دن طولانی
قوه بلاغتی آزالور؛ تیارو ججه اولان لطافت و تأثیرنه هیچ خلل کلبور.
حقیقت انسان عشق و عصمتی اوغورینه فدای جان ایدر بر قز و باخود

(*) تیارویه متعلق اولان بوکتتو تک یازلدیغی تاریخده بعضی اصحاب قلم ترکیبه اویسانان نیسارولرک
اکثریسی آثار اجنبیه دن منقول اولمشنی عثمانی تیسارومی ایچون بر ذل عد ایدیورلردی. حالو که بشقه
ملتلر میانده هر بیه کماله وارمش روشینی کتدیسنده بونانیا بشقه بر ملت تقلید ایلدی ذل عد ایدیورده اویونلرک
ترجمه سی ذل صایمسی آکلاشلر بر اثر استکباودر.

ظرفا بینند دوشمش برجاهل جسور کورنجه ملیت وقیافتی دوشمنور؟
دوشمنه بیله اومطالعہ نك تأثيرات قلبیه سنجہ نہ حکمی اولور؟

شایان دقت برشی دها وار؛ تیارو ادیبانك اك کوچ جهتی در؛ بردر.
جدهده که اون بیکدن متجاوز مؤلفه مالک اولان فرانسهده کوزل تیارو
یازار اون ادیب یوقدر. یا ادیبانمرك حالته نظراً بزده قاچ تیارو مؤلفی
بولنه بیله جک!

خصوصیله اوروپاده بر اوپون یوز کرهیه قدر اوپنایر ایکن استانبولده
آنحجق اوچ، بش کره سیر اولندیغندن، کللی آغوبک تیاروسی فرانسه نك
اك بيوك تياروسندن زیاده تألیفاتہ احتیاج کوسستر. اوقدر اثر زدهده
بولنه جق؟

فرانسهده تیارونك معلم اولی عد اولنان قورنهی اسپانیولندن و آلمانیا
ادیانك موجودلندن اولان کوته فرانسه زجدهدن اوپون ترجمه ایتدیکنی
دوشندکجه بزم اوپونلر صرف بزم آتاردن اولسون دیکه دیلم وارمیور.
تیارومز ایچون بنم آرزو ایتدیکم ماده شمديك اوپونجیلرک اصلاح
لسانیله تیارو یازان مؤلفین کرامت اصطلاح پرورلکدن براز فراغت
بیورملیدر. اوللری اصطلاح یارملک یالکز بازی به منحصرطویه لرق،
مخاورانده موجب استهزا عد اولنور ایدی. تعدی بازی یوقدر ساده لשוב
طوررکن مخاورانده زنجیرله ربطلر، متتابع اضافلر استعمالنه باشلارسه ق،
حقیقه غریب اولور.

هر کسک تیاروده آرادیغی لسان وجدان دکیدر؟ یوقسه اوپله وان
آغزی، نر کسی اغلاقی هیچ چکلمز.

کال

بن زامن فراتقلنك محرراقی

مشار اليهك مختلف خصوصات اوزرينه مدت عمرنده یازمش اولدیغی